

Ka Moporesidente
Thomas S. Monson



Pitso ya Mmoloki ya go Direla

Botlhe bao ba ba ithutileng dipalo ba itse gore nomore e e tlwaelesegileng ke eng. Go Baitshepi ba Malatsi a Bofelo, go na le nomore e e tlwaelesegileng eo e re tshwaraganyang mmogo. Nomore eo e e tlwaelesegileng ke pitso e mongwe le mongwe wa rona a e amogelang ka bonosi go diragatsa thomo mo bogosing jwa Modimo fano mo lefatsheng.

A o nna o le molato ka go ngongorega fa pitso e tla go wena? Kgotsa a o amogela ka mpho ya malebogo tshono nngwe le nngwe go direla barwarre le barwadi, o itse gore Rraetsho yo o kwa Legodimong otlaa segofatsa bao A ba biditseng?

Ke solofela gore re tlaa seke re fetwe ke maikemisetso a rona a re a kgaatheglang a tshono tsa go direla. Maikemisetso ao, sekgele seo sa bosakhutlheng, se tshwana le seo se builweng ke Morena mme se fitlhelwa mo Pereleng ya Tlhwathwa e Kgolo: “Gonne bonang, se ke tiro yame le kgalalelo — go tliša go diragatsa bosasweng le botshelo jwa bosa khutlheng jwa motho.”¹

A re gakologelweng gore mmentlele wa boloko mo Kerekeng ya ga Jeso Keresete ya Baitshepi ba Malatsi a Bofelo ga se thoro ya boleta mme ke kgole ya maikarabelo. Tiro ya rona mogodimo ga go ipholosa, Ke go kaela ba bangwe kwa bogosing jwa selesitale jwa Modimo.

Ka go tsamaya ka tshosologo tsela ya tirelo go Modimo, ga re kitla re nna mo seemong sa ga Shakespeare

sa ga Cardinal Wolsey. A rotswe maatla a gagwe morago ga botshelo jwa tirelo go kgosi, o ne ka khutsafalo a ngunanguna are:

*Fa ke ne ke diretse Modimo wame ka sephatlo
sa tlhwaafalo*

*Ke diretse kgosi yame, O ne a ka seke ka mo
ngwageng tsame*

A ntlogela ke sa ikatega mo babeng bame.²

Ke mofuta ofe wa tirelo e legodimo le e batlang? “Morena o batla pelo le tlhaloganyo e e tshosologileng; mme ba ba dirang ka tshosologo le kobamelo ba tlaa ja bomolemo jwa lefatshe la Sione mo malatsing a a bofelo.”³

Ke a ema fa ke akanya ka mafoko a Moporesidente John Taylor (1808–87): “Fa o sa godise pitso ya gago, Modimo o tlaa go tšhegetsatsa mo maikarabelong a bao o ka bong o ba pholositse fa o ne o diragaditse tiro ya gago.”⁴

Jaaka phatshimo ya lesedi le le senkang la bomolemo ke botshelo jwa ga Jeso jaaka a ne a direla gareng ga batho. “Ke gareng ga lona jaaka ene yo o direlang,”⁵ Jeso o ne a bega jaaka a ne A tliša thata go maoto a segole, pono go matlho a sefoku, kutlo go ditsebe tsa susu, le botshelo go mmele wa moswi.

Ka pharabole ya Mosamarea yo o molemo, Mongarona o re rurile gore re rate baagisanyi jaaka re ithata.⁶

Ka karabo ya Gagwe go mmusi wa mohumi yo mmo-tlana, o re rutile gore re latlhe bopelo tshetlha.⁷ Ka go fepa bao ba ba 5,000, O re rutile gore re tlhokomele matlhoko a ba bangwe.⁸ Mme le ka Semone mo Thabeng, O re rutile gore re senke pele bogosi jwa Modimo.⁹

Mo lefatsheng le lesa, Morena yo o tsogileng ba-swing, o ne a bega are, “Ee lo itse dilo tse le tshwane-tseng go di dira mo Kerekeng yame; gonne ditiro tse lo mponeng Ke di dira le tlaa di dira gape le lona; go nne se lo se boneng Ke se dira le tota lo tlaa se dira.”¹⁰

Re segofatsa ba bangwe jaaka fa re direla mo mori-ting wa ga “Jeso wa Nasaretha . . . yo o a ileng a di-rela ka bomolemo.”¹¹ Modimo a re segofatse go bona boipelo mo go direleng Rraetsho yo o kwa Legodimong jaaka re direla bana ba Gagwe mo lefatsheng.

DINTLHA

1. Moses 1:39.
2. William Shakespeare, *King Henry the Eighth*, act 3, scene 2, lines 456–58.
3. Dithuto le Dikgologano 64:34.
4. *Teachings of Presidents of the Church: John Taylor* (2001), 164.
5. Luke 22:42.
6. Bona Luke 10:30–37; bona gape Matthew 22:39.
7. Bona Matthew 19:16–24; Mark 10:17–25; Luke 18:18–25.
8. Bona Matthew 14:15–21; Mark 6:31–44; Luke 9:10–17; John 6:5–13.
9. Bona Matthew 6:33.
10. 3 Nephi 27:21.
11. Acts 10:38.

GO RUTA GO TSWA MOLAETSENG O

“[Morena] ga a kitla a reletlelela gore re tlholwe fa re diragatsa karolo tsa rona. O tlaa re godisa le tota go pota go kgona ga rona le ditalente ka kwa. . . . Ke nngwe ya maitemogelo a a monate go gaisa a a ka tlang go motho” (Ezra Taft Benson, mo *Teaching, No Greater Call* [1999], 20). Akanyetsa go abelana maitemogelo fa wena kgotsa mongwe yo o mo itseng a ikutlwile fa Morena a mo godisitse kgotsa go kgona ga gagwe le ditalente. Laletsa lelwapa go abelana mangwe a maitemogelo a bone a a siameng jaaka fa ba ne ba fetogela mo “pitsong ya Mmoloki ya go direla.”

BONANA

Go direla mo Tempeleng

Ka Benjamin A.

Ene ya re Ke nna 17, Ke ne ka simolola go akanya ka tlwaafalo ka ga isago yame, mme Ke ne ka rapela

go Rraetsho yo o kwa Legodimong ka ga se ke ka se dirang go baakanyetsa go ya ko mmisheneng le go amogela Boporesiti jwa ga Melekheseteke. Ke ne ka ikutlwa gore ke tshwanetse go ya ko tempeleng gantsi ka gore ke ntlo ya Morena mme e tlaa nna lefelo koo ke tlaa ikutlwang kele gaufi le Rraetsho yo o kwa Legodimong.

Jalo Ke ne ka tlhoma sekgele go dira dikolobetso tse 1,000 mo ngwageng. Ke ne ka boammaaruri ke ikutlwa ke tlhoka go tlhoma sekgele se; Ke ne ka itima dijo go itse gore a se ke seo ke ka se dirang. Rraetsho yo o kwa Legodimong o ne a nkaraba, mme Ke ne ka simolola go ya ko tempeleng ya Tampico Mexico matlhatso mangwe le mangwe.

Morago ga ke sena go dira dikolobetso tse 500, Ke ne ka baya sekgele sa go dira tshkatshoko ka ditso tsa lelwapa ka badimong bame, mme ke ne ke ratile go dira tshkatshoko eo thata mo eleng gore ke ne ke sa kgone go robala ka gore ke ne ke batla maina. Ke ne ka bona maina ale 50 le losika go ya tlase lele robang bobedi la ditso tsa lelwapa lame; Ke ne ka thusa go dira tiro ya tempele go bone botlhe.

Ke ne ka feleletsa ka go dira go feta dikolobetso tse 1,300, le go aloga gotsweng mo seminareng, ka amogela Boporesiti jwa Melekheseteke, mme jaanong ke direla kele moanamisa tumelo wa nako tsotlhe, seo e neng ele dikgele dingwe tsa me tse di tona le go feta mo botshelong jwa me.

BANA

Ke Ka Dira Sengwe go ba Babangwe

Mongwe le mongwe wa rona aka dira sengwe go thusa ba bangwe. Moporesidente Monson o rutile gore re tshwanetse go rata mongwe le mongwe le go ithuta go bona gore re ka ba thusa jang.

Fa re fitlhola le ba lelwapa la rona, gakolola gore le-loko lengwe le lengwe la lelwapa le ka abelana sengwe le sengwe se ene a se dirileng go mongwe letsatsi leo. Kwala maitemogelo a tirelo ya gago mo jenaleng ya gago letsatsi le letsatsi.

©2012 ka Intellectual Reserve, Inc. Tetla tsotlhe di beilwe. E gatisitse mo USA. Tetla ya Sekgoa: 6/11. Tetla ya Thanolo: 6/11. Thanolo ya Molaetsa wa *First Presidency Message, August 2012*. Tswana. 10368 763



Tumelo, Lelwapa, Thuso

Tsaya Kgato ka Nako ya Letlhoko

Bala sedirisiwa se, fa go tlhokega, buisanya le bakaulengwe bao ba etelang. Dirisa dipotso go thusa gore o thatafatse bakaulengwe mme o dire Mokgatlho wa Thuso gore e nne ntlha nngwe ya botshelo jwa gago e e tlhaga.

Jaaka rele baruti ba ketelo, nngwe ya maikemisetso a rona ke go thusa go thatafatse malwapa le magae. Bakaulengwe bao re ba etelanang ba tshwanetse gore ba kgone gore, “Fa ke na le mathata, ke itse gore baruti ba ketelo ba tlaa nthusa ba sa emele gore ba bodiwe.” Mo go kgoneng go direla, re na le maikarabelo gore re nne le letswalo la ditlhoko tsa bakaulengwe bao re ba etelang. Fa re senka tlhotlheletso, re tlaa itse gore re ka araba jang mo ditlhokong tsa semowa le senama a mokaulengwe mongwe le mongwe yo re mo nei-lweng go mo etela. Jalo, re dirisa nako ya rona, botswerere, ditalente, dithapelo tsa tumelo, le tlhotlheletso ya semowa le maikutlo, re ka thusa go fa tirelo ya kutlwelobotlhoko ka sebaka sa bolwetsi, loso, le diemo tse dingwe tse di kgethegileng.¹

Ka thuso ya dipego gotsweng go baruti ba ketelo, boporesidente jwa Mokgatlho wa Thuso bo itse bao ba ba nang le ditlhoko tse di kgethegileng ele tsa semowa, maikutlo a bolwetsi, dikotsi, matsalo, dintsho, bogole, bodutu, kgotsa dikgwetlho tse dingwe. Moporesidente wa Mokgatlho wa Thuso jalo a bebele se a se boneng go mobishopo. Ka fa

tlase ga kaelo ya gagwe, a lomaganye thuso.²

Jaaka rele baruti ba ketelo re ka nna le “lebaka le legolo. . . go ipela” ka gore “masego ao a re a filweng, gore re bo re dirilwe didirisiwa mo diatleng tsa Modimo tsa go tlisetsa tiro e kgolo e.” (Alma 26:1, 3).

Gotsweng Mafokong a tumelo

Matthew 22:37–40; Luke 10:29–37; Alma 26:1–4; Dithuto le Dikgologano 82:18–19

Gotsweng mo Ditsong tsa Rona

Mo dingwageng tsa pele tsa Kereke, boloko bo ne bole bonnye gape bo le kwa legareng. Maloko a ne a kgona go fetogela ka potlako fa mongwe a tlhoka. Gompiano boloko jwa rona bo feta didikadike tse 14 mme bo phatlhaletse lefatshe ka bophara. Boruti jwa ketelo ke karolo ya thulaganyo ya Morena ya go fa thuso go bana botlhe ba Gagwe.

“Tsamaiso e nngwe fela eo e ka fang thusego le kgomotso go kga-baganya mo kerekeng eo leng tona mo lefatsheng le le pharologanyo e ka nna ka batlhanka ka bonosi ba le gaufi le batho baba tlhokang,” ga bua Moporesidente Henry B. Eyring, Mogakolodi wa Ntlha mo Boporesidenteng jwa Ntlha.

“. . . Mobishopo mongwe le mongwe le moporesidente wa lekalana lengwe le lengwe o na le moporesidente wa Mokgatlho wa Thuso yo a beileng mo go ene,” o ne a tswelela. “O na le baruti ba ketelo, bao ba ba itseng diteko le ditlhoko tsa mokaulengwe mongwe le mongwe. A ka kgona, ka bone, go itse dipelo tsa batho le malwapa. A ka kgona go itepatepanya le go thusa bishopo mo pitsong ya go otl batho le malwapa.”³

DINTLHA

1. Bona *Handbook 2: Administering the Church* (2010), 9.5.1; 9.6.2.
2. Bona *Handbook 2*, 9.6.2.
3. Henry B. Eyring, in *Daughters in My Kingdom: The History and Work of Relief Society* (2011), 110.

Ke ka dirang?

1. A ke dirisa dimpho le ditalente tsame go segofatsa ba bangwe?
2. A ba kaulengwe ba ke ba lebeleletse go itse gore ke eletsa go ba thusa fa ba na le letlhoko?

Go bona molaetsa yo montsi, ya ko www.reliefsociety.lds.org

©2012 ka Intellectual Reserve, Inc. Tetla tsoithe di beilwe. E gatisitse mo USA. Tetla ya Sekgoa: 6/11. Tetla ya Thanolo: 6/11. Thanolo ya *Visiting Teaching Message*, August 2012. Tswana. 10368 763